



DEO OPTIMO MAX.
UNI ET TRINO,

VIRGINI DEI - PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS,
manè discutienda, in Scholis Medicorum, die Jovis nonā
mensis Decembris, anno Domini M. DCC. XLV.

M. LUDOVICO PATHIOT,
Doctore Medico, Præfide.

An præcavendis Senum morbis vena sectio?

I.



ON pauca certè declinaremus incommoda, & fatum quod juvenibus in propinquo, senibus ipsomet in limine est, ante diem non obreperet, si quantus in profligandis (dum nos exercent) morbis, tantus in iisdem præcavendis labor impenderetur. Amissam idèd sanitatem ut ægrè recuperare, sic præsentem facillè servare, & ad extremam usque senectutem producere licebit, modò, quos in victus ratione feceris errores, Medicis pensare studeas auxiliis. Morbos etenim ita constat, Medicinæ opera præcaveri, ut nulla forsitan Artis hujusce pars certior videri debeat, quàm ea, quæ sanitati regulam ponit. Pessimè nobiscum ageretur, si nullâ ratione, mala prævideri possent; signa proindè nonnulla ferè semper indicant, quæ nobis imminèant pericula. Ista sæpè, ex negligentia, robusto corpori nimium præ-

A

fidētis, sæpius ex ejusdem intemperantiâ prodeunt. Mortalibus igitur neque sex rerum non naturalium abusu, nec immoderatâ voluptate peccare contingat; & ipsi perpetuo valerudinis robore fruuntur. Ex hoc duplici fonte manant omnia quibus undique premuntur incommoda. Singula recensere si lubeat, quantum exoriantur agmen! Arthritis, rheumatismus, apoplexia, catharri, plurimique affectus, & Aulicis & Plebeiis familiares. Quosdam tamen ex iis, apud eos qui duriores exigunt vitam, non aded frequentes esse fatendum est. Illa etiam, imò sanitas athletica, non nisi sanitatis dispendio, interdum servari potest. Eam proinde, sine morâ, vasorum evacuatione redimendam censet Hippocrates. Dum autem morbos, quantum in nobis est, volumus præcaveri utilem omni pariter ætati legem imponimus, senectuti verò necessariam. Quem enim lateat, severiores hominibus adhibendas esse cautiones, eo præcipuè tempore, quo moram contrahere liquores, crudior exprimi chylus, & viscidior fieri sanguis incipit; dum intereâ, partes solidæ minus flexiles, obeunda ferè detrectant officia, vel ea lentius absolunt?

I I.

QUOS jam longior annorum series, artibus, disciplinis, vel rerum usu & experientiâ multiplici commendavit, horum corpora non mediocriter debilitata fuisse certissimè est. Ueberiori vero scientiarum copiâ, nunc redempta bene judicatur brevissimi temporis fuga? Fervidior in juventute turgidiorque spiritibus sanguis, vasa mollia è quibus constat corporis universa compages, vividius præterfluit. In senectute, quæ quidem ipsa morbus, & tabis genus dicitur, durefcunt partes, minori pollent elaterio, rigidiores, & contractionibus exercendis impares sunt. Hinc stagnare liquores, & inspissari, impedito vel potiùs cessante quadamtenus motu cujus perrenitate sanitas vigeat. Quanta inde senem circumveniunt incommoda, tentatur caput vertigine, hebescent sensus, thoracem quatit prava, & in senectute vix sanabilis tussis. Pulmo viscus sanguis-forbum subigendi, terendique chyli instrumentum, elaterio imminuto difficilius contrahitur; nec satis expresse, crudo, viscido, tenaci nimis sanguine, peripneumoniâ, pleuritide, asthma tentatur. Renes senum calculus, vesicam dysuria, artus diathesis Rheumatodes, articulos nodosa chiragra, podagra vexant. Si cruor ventriculi alimentis infarcti vitio interceptus concreverit, cardialgiâ, syncope momento suffocantur. Gelidus præterea sanguis cutem urit pruritu & malignâ impetigine. Quam plurimis obstita senectus patet infirmitatibus, inde febres quartanæ, cachexia, hydrops. Si morbos numeres, innumeri; causam interrogas? Sanguis tardius fluens, succorum quos involvit tenax, secretioni impar, in angustis vasorum impactus, morâ diuturniori, morbis pluribus ansam præbet. Idem ipse, impeditâ circulatione, motu intestino brevi incandescens, ignem latè spargit, & sic febribus, acutis affectibus, inflammationibus viscerum largitur originem.

I I I.

QUANTUM ad morborum medelam valeat victus ratio satis notum est; & Celso, Hippocratis interpreti fides adhibenda, qui delineatis ferè omnibus morbis, cæteros enarraturus, dixi inquit, *de his quos victus ratio maxime curat*. Quantum eadem conferat ad præcavenda vitia corporis, explicat factis sequentibus verbis: *Veri-simile est primis temporibus inter nonnulla auxilia adversæ valetudinis plerumque, eam bonam contigisse, ob bonos mores quos neque desidia neque luxuria vitiant, quos neque inquieta cogitatio, nec nocturne vigilia minuant.* Et certè plerumque pessimo victus genere sanitati detraximus. Quem blandæ vo-

luptatis illecebræ aliquando non irretiunt? Ad omnem ictum nos exponit innata imbecillitas, frigore, æstu, labore offendimur; sed ut plurimum, potu & alimentorum copiâ rumpimur. Vis esse beatus? Ad cibum & potum, ut vitæ, sic mortis viaticum, non tanquam ad vas implendum, accede: sic alimentorum temperantiâ, plusquam eorum usu vitam perages. Exiguum desiderat ventriculus, immensum opinio. Qui sobriè degit nec caularias habet partes, tam vacat omni morbo, quam humorum cæno. Frigus, æstus, externarum causarum vis, aer etiam pestiferus languescet; ubi nil adjuvabunt inquilini hostes. Eâ victus ratione simplici, ut morum innocentiam, sic vitam jucundam tuebantur Cœnobitæ, ipso anno centesimo sani. Verum ut ætas parentum, pejor avis tulit nos nequiores, imbecilla jam tractari molliùs vult, adeoque nostræ obsequimur intemperantiæ ut eam excusare potius quam excutere malimus. Neque mirum, si victus ratione, ubique terrarum obliteratâ, tùm ad morbos depellendos, tùm sanitatis tuendæ gratiâ, ad Medicinæ auxilia quæ superfluos detrahunt humores, maximeque ad venæ sectionem, tanquam ad sacram anchoram confugiendum sit,

I V.

QUANDOQUIDEM ad omnes œconomix ritus exercendos faciunt maximè fluxiles succi, tuborum elasticitas, deficiente inter ipsos consensu, quanti quæso prætii censenda venæ sectio, quæ cum solidis fluida conciliare potest? Sanguine detracto, laxantur fibræ, remittitur vasorum elater, & horum flexilitate restituta, par ubique speranda veniet humorum fluxilitas. Et certè hujus auxilio, cuncta ad fluendum paratiora fieri, quis non animadvertat; adeo ut vel sub ipsâ sanguinis missione, sponte sæpius solvatur alvus, & bonis ægri rebus; sæpè sudores profluant, urina liberius evehatur, & crisi salutiferâ morbus tollatur? Venæ sectionem cæterarum evacuationum vicem supplere, Auctor est Hippocrates; exuperantis sanguinis redundantiam, senibus, præsertim iis qui lautè vivunt, frequentem & maxime metuendam, momento tollet. Tubis vasorum extra tonum distentis pristinum restituet elaterem, facili alveo fluidior factus cruor excurrat liberius, sequetur secretio secunda sanitatis assertrix; eadem ad catharsim, quæ opus est majoris prudentiæ, felix præparatio judicatur. At incommoda, quæ venæ sectionem sequuntur, si animo revolvas; vix ulla: cum sanguinis reproductio difficilis non sit, nec novus veteri deterior. Quis te malus agit genius hæmophobe, ut quasi anima in Empedocleo sanguine merla foret, cum ipso vitam minui putes. Illi seni meliùs consultum credas, qui curet vitam dicto modo. Contingetque cum minori periculo & dolore eam producere, renovato interdum sanguine, quod superfluum est detracto; quam illi qui errore & falso terrore seductus, imprudenter sinit ob nimiam sanguinis copiam, vitam extinguere ac suffocari; ignarus senibus plus esse virium in conficiendo sanguine ad alendum corpus in singulos dies, quam in expellendo inutili; sed alimentorum, ut sanguinis maxima pars, in auras abit. Non itaque annos numera, antiqui, inquit Celsus: *Primam ultimamque ætatem sustinere non posse hoc genus remedii judicabant; sed interest non quæ sit ætas, sed quæ vires sint; firmus puer, & robustus senex tunc venæ sectionem ferunt.* Assigna si potes, quid efficacius venæ sectione juvet senes, eorum consulat sanitati tutius ac citius, imò & jucundiùs,

V.

QUOTIDIANO corporis defectui, qui naturalis quidem at certè gravis est morbus, veriùs quædam senectutis prolixitas, non aliter mederi potest homo, quam si potius, cibique adminiculo refarciat, quiddid de illius succo continenter decessit. Senes quos jam destituit ventriculi tonus, fermentorum activi-

4

ras, sanguinis & humorum fluor, transpirationis assiduæ effluuium, quo propius ad vitæ terminum accedunt, his vita paucioribus, coctu facilioribus alimentis est sustinenda. At ut vix quisquam, qualem debet, servare victus rationem potest, aut ob negotiorum molem, aut eorum quæ agenda sunt ad sanitatem, ignorantiam, vel ob negligentiam & intemperantiam, hos intactos morbis perdurare impossibile erit in senectâ, in quâ velut ætatis hyeme, plurimorum morborum procellæ præsto sunt, nisi quod deficit in victus ratione, sectione venæ suppleas. Præsidium nihilominus haud trahendum in consuetudinem; minimè propter consuetudinem, religiosè certo tempore repetendum; sed interdum celebrandum, præsertim si laurè vivat senex, si pleniori sit habitu, si suppressus sit hæmorrhoidum fluor, si quod ferè semper contingit, ab oppressis, non exolutis viribus morbus immineat. Sic caput à vertigine, apoplexiâ, lethargo in somniculosâ senectute vindicabis; sic suppressas hæmorroides, arthritidem sæpius criticam revocabis; sic bonum habitum, senibus sæpius lethalem, divini senis mentem sequutus, solves haud cunctanter, quo rursus initium novæ nutritionis corpusumat; sic in plethoricis catarrho suffocante à sanguine stagnante, vel etiam à saburrâ in ventriculo occurreret. Sic inflammatorios morbos quos parit inertia humorum, & eorum intestinus motus, præcavebis. At mulieribus menstruis ratione ætatis deficientibus, quot incommoda, quot graves morbi venæ sectione sæpius repetitâ præcidi possunt? Sic licebit in plerisque prophylaxeos scopum attingere, morbumque imminentem propulsare, nec senectus quidem quæ solvit & frangit omnia, omnibus functionibus impar videbitur; puro lumine, quidquid contra hæmophobi obgarriant, vigeant oculi, & hæc ratione floridior continget nulli non optata senectus. Quod si tandem eò venerit ætas, quod vel cunctantibus veniendum, quod fatietas vitæ, tempus maturum morbi assert, tam placidè è vivis excedet, ut obdormire, non emori videatur.

Ergo præcavendis Senum morbis vena sectio,

DOMINI DOCTORES DISPUTATURI.

M. Claudius Person.

M. Natalis-Maria de Gevigland.

M. Antonius de Jussieu, Regi à Secretis, Regiæ Scientiarum Academiae, Regiarumque Societatum Angliæ & Prussiæ Socius, Botanicus in Horto Regio Parisiensi Professor ac Demonstrator.

M. Carolus-Ludovicus Liger,

M. Franciscus-David Hérissant.

M. Joannes-Baptista-Thomas Martineq, Chirurgiæ Gallicæ Idiomaticæ Professor designatus.

M. Joannes-Stephanus Guettard, M. Antonius Bergier.

M. Franciscus-Maria Pouffe,

è Regiâ Scientiarum Academia, & Censor Regius.

Proponebat Parisiis DIONYSIUS-CLAUDIUS DOULCET, Parisinus,
Saluberrimæ Facultatis Medicinæ Parisiensis Baccalaureus, A.R.S.H,
à sextâ ad meridiem,